

永樂大典

卷五百三十八

永樂大典卷之五百三十八

一東

容

慕容德

晉書載記慕容德字玄明號之少子也母公孫氏夢日入

有日角偃月重文博觀群書性清慎多才藝慕容儁之儲立也封為梁公歷幽州刺史左衛將軍及暉嗣位改封范陽王稍遷魏尹加散騎常侍俄而符堅將符雙據陝以叛堅將符柳超兵扼罕將應之德勸暉乘討堅辭旨慷慨識者言其有遠器暉竟不能用德兄垂甚壯之因共論軍國大謀言必切至垂謂之曰汝器識長進非復兵下阿蒙也枋頭之役德以征南將軍與垂擊敗晉師及垂奔符堅德坐免職後遇暉敗徙于長安符堅以為張掖太守數歲克歸及堅以兵臨江拜德為奮威將軍堅之敗也堅與張夫人相失慕容暉將護致之德正色謂暉曰昔楚莊滅陳納巫臣之諫而棄夏姬此不祥之人惑亂人主戎事不通女器秦之敗師當由於此宜掩目而過奈何將衛之也暉不從德馳馬而去之還次滎陽言於暉曰

永樂大典卷五三八

昔句踐捷於會稽終獲吳國聖人相時而動百舉百全天將悔禍故使秦師喪敗宜乘其弊以復社稷暉不納乃從垂如鄴及垂稱燕王以德為車騎大將軍復封范陽王居中鎮衛察斷政事久之遷司徒于時慕容永據長子有眾十萬垂議討之群臣咸以為疑德進曰昔三祖積德遺詠在耳故陛下龍飛不謀而會雖由聖武亦緣舊愛燕趙之士樂為燕臣也今永既建偽號扇動華戎致令群賢從橫逐鹿不息宜先除之以一眾聽昔光武馳蘇茂之難不顧百官之疲夫豈不仁機急故也兵法有不得已而用之陛下容得已乎垂笑謂其黨曰司徒議與吾同二人同心其利斷金吾計決矣遂從之垂臨終勅其子寶以鄴城委德寶既嗣位以德為使持節都督冀兗青徐荆豫六州諸軍事特進車騎大將軍冀州牧領南臺校尉鎮鄴罷留臺以都督專總南夏魏將拓拔章攻鄴德遣南安王慕容青等夜擊敗之魏師退次新城青等請擊之別駕韓諱進曰古人先決勝廟堂然後攻戰今魏不可擊者四燕不宜動者三魏懸軍遠入利在野戰一不可擊也深入近畿頓兵死地二不可擊也前鋒既敗後陣方固三不可擊也彼眾我寡四不可擊也官軍自賊其地一不宜動動而不勝眾心難固二不宜動城隍未脩敵來無備三不宜動此皆兵家所忌不如深溝高壘

以逆待勞。彼二千里。魏糧野無所掠。久則三軍靡資。攻則眾旅多斃。師老
 囊生。詳而圖之。可以捷矣。德曰。韓別駕之言。良平之策也。於是召青還。師
 魏。又遣遼西公賀賴盧率騎與章圍鄴。德遣其參軍劉藻請救於姚興。且
 然母兄之問。而興師不至。眾大懼。德於是親饗戰士。厚加撫接。人感其恩。
 皆樂為致死。會章廬內相乖爭。各引軍潛遁。章司馬丁建率眾來降。言章
 師老。可以欺之。德遣將追破章軍。人心始固。時魏師入中山。慕容寶出奔
 于薊。慕容詳又借號。會劉藻自姚興而至。與大史令高曹。遣其甥王景暉
 隨藻。送玉璽一組。并圖讖秘文曰。有德者昌。無德者亡。德受天命。柔而復
 剛。又有謠曰。大風蓬勃。揚塵埃。八井三刀。卒起來。四海鼎沸。中山頽。惟有
 德人。據三臺。於是德之群臣議。以慕容詳借號中山。魏師盛於冀州。未嘗
 寶之存亡。因勸德即尊號。德不從。會慕容達自龍城奔鄴。稱寶猶存。群議
 乃止。尋而寶以德為丞相。領冀州。以承制南夏。德兄子麟。自義臺奔鄴。因
 說德曰。中山既沒。魏必乘勝攻鄴。糧儲素積。而城大難固。且人情沮動。
 不可以戰。及魏軍未至。擁眾南渡。就魯陽。一和據滑臺。而聚兵積穀。伺隙
 而動。計之上也。魏雖拔中山。勢不久留。不過驅掠而返。人不樂徙。理自生
 變。然後振威以援之。魏則內外受敵。使戀舊之士有所依憑。廣開恩信。招

永樂大典卷五百六

集遺黎可一舉而取之。先是慕容和亦勸德南徙。於是許之。隆安二年。乃
 率戶四萬。車二萬七千乘。自鄴將徙于滑臺。遇風船沒。魏軍垂至。眾懼議
 欲退保黎陽。其夕流漸凍合。是夜濟師。旦魏師至而冰泮。若有神焉。遂攻
 黎陽。津為天橋。津及至滑臺。景星見于尾箕。漳水得白玉。狀若璽。於是德
 依燕元故事。稱元年。大赦境內。殊死已下。置百官。以慕容麟為司空。領尚
 書令。慕容法為中軍將軍。慕輿拔為尚書左僕射。丁通為尚書右僕射。自
 餘封授各有差。初河間有麟見。慕容麟以為己瑞。及此潛謀為亂。事覺。賜
 死。其夏魏將賀賴盧率眾附之。至是慕容寶自龍城南奔至黎陽。遣其中
 黃門令趙思召慕容鍾來迎。鍾本首議勸德稱尊號。聞而惡之。執思付獄。
 馳使白狀。德謂其下曰。卿等前以社稷大計。勸吾攝政。吾以嗣帝奔亡。人
 神曠主。故權順群議。以繫眾望。今天方悔禍。嗣帝得還。吾將具駕奉迎。謝
 罪行闕。然後用中私第。卿等以為何如。其黃門侍郎張華進曰。夫爭奪之
 世。非雄才不據。從橫之時。豈懦夫能濟。陛下若蹈匹婦之仁。捨天授之業。
 威權一去。則身首不保。何退讓之有乎。德曰。吾以古人逆取順守。其道未
 足。所以中路徘徊。悵然未決耳。慕輿護請馳問寶。虛實。德流涕而遣之。乃
 率壯士數百。隨思而北。因謀殺寶。初寶遣思之後。知德攝位。懼而北奔。護

至無所見。執思而還。德以思閉習典故。將任之。思曰。昔閻羽見重曹公。猶不忘先主之恩。思雖刑餘賤隸。荷國寵靈。犬馬有心。而况人乎。乞還就上。以明微節。德固留之。思怒曰。周室衰微。晉鄭夾輔。漢有七國之難。實賴梁王。陛下親則叔父。位則上台。不能率先群后。以匡王室。而幸根本之傾。為趙倫之事。思雖無申胥哭秦之效。猶慕君宥不生莽世。德怒斬之。晉南陽太守閻丘羨。寧朔將軍鄧啓方。率眾二萬來伐。師次管城。德遣其中軍慕容法撫軍。慕容和等距之。王師敗績。德怒法不窮追晉師。斬其撫軍司馬靳瓌。初。符登既為姚興所滅。登弟廣率部落降於德。拜冠軍將軍。處之乞活堡。會熒惑守東井。或言秦當復興者。廣乃自稱秦王。敗德將慕容鍾。時德始都滑臺。介于晉魏之間。地無十城。眾不過數萬。及鍾喪師。反側之徒多歸于廣。德乃留慕容和守滑臺。親率眾討廣。斬之初。寶之至黎陽也。和長史李辯勸和納之。和不從。辯懼謀洩。乃引晉軍至管城。冀德親率師。於後作亂。會德不出。愈不自安。及德此行也。辯又勸和反。和不從。辯怒殺和。以滑臺降于魏。時將士家悉在城內。德將攻之。韓範言於德曰。魏師已入城據國。成資客主之勢。翻然復異。人情既危。不可以戰。宜先據一方為關中之基。然後畜力而圖之。計之上也。德乃止。德右衛將軍慕容雲斬李辯。

率將士家累二萬餘人而出。三軍慶悅。德謀於眾曰。符廣雖平。而撫軍失據。進有強敵。退無所托。計將安出。張華進曰。彭城阻帶山川。楚之舊都。地險人殷。可攻而據之。以為基本。慕容鍾慕容護封暹韓諱等。固勸攻滑臺。潘聰曰。滑臺四通八達。非帝王之居。且北通大魏。西接強秦。此二國者。未可以高枕而待之。彭城土曠人稀。地平無險。晉之舊鎮。必距王師。又密邇江淮。水路通浚。秋夏霖潦。十里為湖。且水戰國之所短。吳之所長。今雖剋之。非久安之計也。青齊沃壤。號曰東秦。土方二千。戶餘十萬。四塞之固。負海之饒。可謂用武之國。三齊英傑。蓄志以待。執不思得明主。以立尺寸之功。廣固者。曹蕤之所營。山川阻峻。足為帝王之都。宜遣辯士。馳說于前。大兵繼進于後。群閭譚者。負國恩。必翻然向化。如其守迷不順。大軍臨之。自然瓦解。既據之後。閉關養銳。伺隙而動。此亦二漢之有關中河內也。德猶豫未決。沙門朗公素知占候。德因訪其所適。朗曰。敬覽三策。潘尚書之議。可謂興邦之術矣。今歲初。長星起於奎婁。遂掃虛危。而虛危齊之分野。除舊布新之象。宜先定舊魯。巡撫琅邪。待秋風戒節。然後北轉臨齊。天之道也。德大悅。引師而南。兗州北鄙。諸縣悉降。置守宰以撫之。存問高平。軍無私掠。百姓安之。牛酒屬路。德遣使喻齊郡太守辟閭澤。澤不從。遣慕容鍾

率步騎二萬擊之。德進據琅邪。徐充之士附者十餘萬。自琅邪而北。迎者四萬餘人。德進寇莒城。守將任安委城而遁。以潘聰鎮莒城。鍾傳檄青州諸郡曰。隆替有時。義列昔經。困難啓聖。事彰中錄。是以宣王龍飛於危周。光武鳳起於絕漢。斯蓋歷數大期。帝王之興廢也。自我永康多難。長鯨逸網。華夏四分。黎元五裂。逆賊辟閭。渾父蔚首。同既龍阻。亂淄川。大率東征。勦絕凶命。渾於覆巢之下。蒙全卵之施。曾微大馬。識養之心。復襲凶父。樂禍之志。盜據東秦。遠附吳越。割剝黎元。委輸南海。皇上應期。天命再集。冷夜營丘。暫阻王略。故以七州之衆。二十餘萬。巡省岱宗。問罪齊魯。昔韓信以裨將伐齊。有征無戰。耿弇以偏軍討步。剋不移朔。况以萬衆之師。掃一隅之寇。傾山碎卵。方之非易。孤以不才。忝荷先驅。都督元戎。一十二萬。皆烏丸突騎。三河猛士。奮劍與夕。火爭光。揮戈與秋。月競色。以此攻城。何城不剋。以此衆戰。何敵不平。昔竇融以河西歸漢。榮被於後裔。彭寵盜逆。漁陽身死於奴。隸近則曹窺。跋扈。見擒於後趙。段龕干紀。取滅於前朝。此非古今之吉凶。已然之成敗乎。渾若先迷。後悟。榮寵有加。如其敢抗王師。敗滅必無遺。墟稷下之雉。武北之士。有能斬送渾者。賞同佐命。脫履襪不廢。必玉石俱摧。渾聞德軍將至。徙八千餘家入廣固。諸郡皆奉檄降于德。渾

永樂大典卷五百三十八

四

懼將妻子奔于魏。德遣射聲校尉劉綱追斬於宮城。綱書云。渾少子道壽自歸。請與父俱死。德曰。渾雖不忠。而子能孝。其特赦之。渾悉軍張瑛。帝與渾作檄辭。多不遜。及此。德擒而讓之。瑛神色自若。徐對曰。渾之有臣。猶韓信之有蒯通。通遇漢祖而蒙怒。臣遭陛下而嬰戮。比之古人。竊爲不幸。防風之誅。臣實甘之。但恐堯舜之化。未弘於四海耳。德初善其言。後竟殺之。德遂入廣固。四年。僭即皇帝位。于南郊大赦。改元爲建平。設行廟於宮南。遣使奉策告成。爲進慕容鍾爲司徒。慕容拔爲司空。封孚爲左僕射。慕容護爲右僕射。遣其度支尚書封愷。中書侍郎封暹。觀省風俗。所在大饗將士。以其妻段氏爲皇后。建立學官。簡公卿已下子弟。及二品士門二百人爲大學生。後因譏其群臣酒酣笑而言曰。朕雖寡薄。恭己南面。而朝諸侯在上不驕。夕惕於位。可方自古何等主也。其青州刺史鞠仲曰。陛下中興之聖后。少康光武之儔也。德顧命左右。賜仲帛十疋。仲以賜多爲讓。德曰。卿知調朕。朕不知調卿乎。卿師對非實。故亦以虛言相賞。賞不謬。加何足謝也。韓範進曰。臣聞天子無戲言。忠臣無妄對。今日之論。上下相欺。可謂君臣俱失。德大悅。賜範絹五十疋。自是昌言競進。朝多直士矣。德母兄先在長安。遣平原人杜弘如長安。問存否。弘曰。臣至長安。不奉太后勅止。便

永樂大典

卷五三八

即西如張掖以死為効。臣父雄年踰六十。未沾榮貴。乞本縣之祿。以申烏
為之情。張華進曰。杜弘未行。而求祿要利。情深不可使也。德曰。吾方散所
輕之財。招所重之死。況為親尊而可吝乎。且弘為君迎親。為父求祿。雖外
如要利。內實忠孝。乃以雄為平原令。弘至張掖為盜所殺。德聞而悲之。厚
撫其妻子。明年德如齊城。登營丘。望晏嬰冢。顧謂左右曰。禮大夫不逼城
葬。平仲古之賢人。達禮者也。而生居近市。死葬近城。豈有意乎。青州秀才
晏謨對曰。孔子稱臣先人。平仲賢則賢矣。豈不知高其梁。豐其禮。蓋政在
家門。故儉以矯世。存居湫隘。卒宜擇地而葬乎。所以不遠門者。猶冀悟平
生意也。遂以謨從。至漢城。陽景王廟。譙庶老于申池北。登社首山。東望鼎
足。因目牛山而嘆曰。古無不死。愴然有終焉之志。遂問謨以齊之山川丘
陵。賢哲舊事。謨歷對詳辯。畫地成圖。德深嘉之。拜尚書郎。立治於商山。置
監官於烏常澤。以廣軍國之用。德故吏趙融自長安來。始具母兄凶問。德
號慟吐血。因而寢疾。其司隸校尉慕容達。因此謀反。遣牙門皇琛率眾攻
端門。殺中師侯赤眉。開門應之。中黃門孫進扶德踰城。隱於進舍。改宏等
聞宮中有變。勒兵屯四門。德入宮。誅赤眉等。連懼而奔魏。慕容法及魏師
戰于濟北之標榆谷。魏師敗績。其尚書韓諱上疏曰。二寇連誅。國耻未雪。

永樂大典卷五百三

五

關西為豺狼之藪。揚越為鴟鴞之林。三京社稷。鞠為丘墟。四祖園陵。蕪而
不守。豈非義夫憤歎之日。烈士忘身之秋。而皇室多難。威略未振。是使長
蛇弗翦。封豕假息。人懷憤慨。常謂一日之安。不可以永久。終朝之逸。無卒
歲之憂。陛下中興大業。務在遵養。矜遺氓之失土。假長復而不役。愍黎庶
之息肩。貴因循而不擾。斯可以保寧于營丘。難以經措于秦越。今群凶僭
逆。寔繁有徒。據我三方。伺國瑕釁。深宜審量虛實。大校成敗。養兵厲甲。廣
農積糧。進為雪耻討寇之資。退為山河萬全之固。而百姓因秦晉之弊。迭
相蔭冒。或百室合戶。或千丁共籍。休託城社。不懼燻燒。公避課役。擅為姦
宄。損風毀憲。法所不容。但檢令未宣。弗可加戮。今宜隱實黎氓。正其編貫。
庶上增皇朝理物之明。下益軍國兵資之用。若蒙採納。冀裨山海。雖遇商
鞅之刑。悅縮之害。所不辭也。德納之。遣其車騎將軍慕容鎮。率騎三千。緣
邊嚴防備。百姓逃竄。以諱為使持節。散騎常侍。行臺尚書。巡郡縣。隱實得
蔭戶五萬八千。諱公廉正直。所在野次。人不擾焉。德大集諸生。親臨策試。
既而饗宴。乘高遠矚。顧謂其尚書曹邃曰。齊魯固多君子。當昔全盛之時。
接慎巴生。淳于鄒田之徒。蔭脩檐。臨清沼。馳朱輪。佩長劍。恣飛馬之雄。騁
奮談天之逸辯。指麾則紅紫成章。俛仰則丘陵生韻。至於今日。荒草頽廬。

氣消煙滅。永言千載。能不依然。遂答曰。武王封比干之墓。漢祖祭信陵之墳。皆留心賢哲。每懷往事。陛下慈深二主。澤被九泉。若使彼而有知。寧不銜荷矣。先是妖賊王始。聚眾于太山。自稱太平皇帝。號其父為太上皇。兄為征東將軍。弟為征西將軍。慕容鎮討擒之。斬於都市。臨刑或問其父。及兄弟所在。始答曰。太上皇帝蒙塵於外。征東征西。亂兵所害。惟朕一身。獨無聊賴。其妻怒之曰。正坐此口。以至於此。奈何復爾。始曰。皇后自古豈有不破之家。不亡之國邪。行刑者以刀鏢築之。仰視曰。崩即崩矣。終不改帝號。德聞而哂之。時桓玄將行篡逆。謀不附己者。冀州刺史劉軌。襄城太守司馬休之。征虜將軍劉敬宣。廣陵相高雅之。江都長張誕。並內不自安。皆奔於德。於是德中書侍郎韓範上疏曰。夫帝王之道。必崇經略。有其時無其人。則弘濟之功闕。有其人無其時。則英武之志不申。至於能成王業者。惟人時合也。自晉國內難。七載于茲。桓玄逆篡。唐踰董卓。神怒人怨。其殃積矣。可乘之機。莫過此也。以陛下之神武。經而緯之。驅騁奮之卒。接厭亂之機。警猶聲發。響應形動。影隨未足比其易也。且江淮南北。戶口未幾。公私戎馬。不過數百。守備之事。蓋亦微矣。若以步騎一萬。建雷霆之舉。卷甲長驅。指臨江會。必望旗草偃。壺漿屬路。跨地數千。眾踰十萬。可以西并強

永樂大典卷五百三十一

秦。北抗大魏。夫欲拓境開疆。保寧社稷。無過今也。如使後機失會。豪傑復起。象除桓玄。布惟新之化。遐邇既寧。物無異望。非但建鄴難屠。江北亦不可冀。機過患生。憂必至矣。天與不取。悔將及焉。惟陛下覽之。德曰。自頃數纒百六。宏綱暫弛。遂令姦逆亂華。舊京墟穢。每尋否運。憤慨兼懷。昔少康以一旅之眾。復夏配天。况朕據三齊之地。藉五州之眾。教之以軍旅。訓之以禮讓。上下知義。人思自奮。繕甲待戰。為日久矣。但欲先定中原。掃除逋孽。然後宣布淳風。經理九服。飲馬長江。懸旌隴坂。此志未遂。且鞫戈耳。今者之事。王公其詳議之。咸以桓玄新得志。未可圖乃止。於是講武於城西。步兵二十七萬。車一萬七千乘。鐵騎五萬三千。周亘山澤。旌旗彌漫。鉦鼓之聲。振動天地。德登高望之。顧謂劉軌高雅之曰。昔郤克忿齊子胥。怨楚終能暢其剛烈。名流千載。卿等既知投身有道。當使無慙昔人也。雅之等頓首答曰。幸蒙陛下天覆之恩。大造之澤。存亡繼絕。實在聖時。雖則萬隕。何以上報。俄聞桓玄敗。德以慕容鎮為前鋒。慕容鍾為大都督。配以步卒二萬騎五千。剋期將發。而德寢疾。於是罷兵。初迎其兄子超于長安。及是而至。德夜夢其父曰。汝既無子。何不早立超為太子。不爾。惡人生心。藉而告其妻曰。先帝神明所勅。觀此夢意。吾將死矣。乃下書以超為皇太子。大

赦境內子爲父後者人爵二級其月死即義熙元年也時年七十乃夜爲十餘棺分出四門潛葬山谷竟不知其尸之所在在位五年僞謚獻武皇帝親書女水竭德聞而惡之因而寢疾兄子超請祈女水德曰人君之命豈女水所知超固請終不許立超爲太子德死超僭立

慕容超

晉書載記慕容超字祖明德兄北海王納之子符堅破鄴而去及垂起兵山東符昌收納及德諸子皆誅之納母公孫氏以羞獲免納妻段氏方娠未決囚之于郡獄獄掾呼延平德之故吏也嘗有死罪德免之至是將公孫及段氏逃于羌中而生超焉年十歲而公孫氏卒臨終授超以金刀曰若天下太平汝得東歸可以此刀還汝叔也平又將超母子奔于呂光及呂隆降於姚興超又隨涼州人徙于長安超母謂超曰吾

超自以諸父在東恐爲姚氏所錄乃陽狂行乞秦人賤之惟姚紹見而異焉勸興拘以爵位召見與語超深自晦匿興大鄙之謂紹曰諺云妍皮不裹癡骨妄語耳由是得去來無禁德遣使迎之超不告母妻乃歸及至廣固呈以金刀具宣祖母臨終之言德撫之號慟超身長八尺腰帶九圍精彩秀發容止可觀德甚加禮遇始名之曰超封北海王拜侍中驃騎大將軍司隸校尉開府置佐吏德無子欲以超爲嗣故焉超起第於萬春門內朝夕觀之超亦深達德旨入則盡歡承奉出則領身下士於是內外稱美焉頃之立爲太子及德死以義熙元年僭嗣偽位大赦境內改元曰太

永樂大典卷五百三十八

七

尊德妻段氏爲皇太后以慕容鍾都督中外諸軍錄尚書事慕容法爲征南都督徐兪揚南兗四州諸軍事慕容鎮加開府儀同三司尚書令封孚爲太尉魏仲爲司空潘聰爲左光祿大夫封嵩爲尚書左僕射自餘封拜各有差後又以鍾爲青州牧段宏爲徐州刺史公孫五樓爲武衛將軍領屯騎校尉內參政事封孚言於超曰臣聞五大不在邊五細不在庭鍾國之宗臣社稷所賴宏外戚懿望親賢具瞻正應恭翼百揆不宜遠鎮方外今鍾等出藩五樓內輔臣竊未安超新即位害鍾等權逼以問五樓五樓欲專斷朝政不欲鍾等在內屢有間言孚說竟不行鍾宏俱有不平之色相謂曰黃大之皮恐當紂補狐裘也五樓聞之嫌隙漸遠初超自長安行至梁父慕容法時爲兗州鎮南長史悅壽還謂法曰向見北海王子天資弘雅神爽高邁始知天族多奇玉林皆寶法曰昔成方遂詐稱衛太子人莫辨之此復天族乎超聞而恚恨形于言色法亦怒處之外館由是結憾

及德死法又不奔喪。超遣使讓焉。法常懼禍。至對此遂與慕容鍾既定等謀反。超知而徵之。鍾稱疾不赴。於是收其黨。侍中慕容統、右衛慕容根、散騎常侍段封誅之。車裂僕射封嵩於東門之外。西中郎將封融奔于魏。超尋遣慕容鎮等攻青州。慕容昱等攻徐州。慕容疑韓範攻梁父。昱等攻莒城拔之。徐州刺史段宏奔于魏。封融又集群盜襲石塞城。殺鎮西大將軍餘鬱。青土振恐。人懷異議。慕容疑謀殺韓範。將襲廣固。範知而攻之。魏奔梁父。範并其眾攻梁父。剋之。魏奔姚興。慕容法出奔于魏。慕容鎮剋青州。鍾殺其妻子為地道而出。單馬奔姚興。于時超不恤政事。政游是好百姓若之。其僕射韓詳切諫不納。超議復肉刑。九等之選。乃下書於境內曰。陽九數纏。永康多難。自北都傾陷。典章淪滅。律令法憲靡有存者。綱理天下。此為萬本。既不能導之以德。必須齊之以刑。且虞舜大聖。猶命皋陶作士。刑之不可已也。如是。先帝季興。大業草創。兵革尚繁。未遑脩制。朕猥以不德。嗣承大統。撫御寡方。致蕭牆囊發。遂戎馬生郊。典儀寢廢。今四境無虞。所宜脩定。尚書可召集公卿。至如不忠不孝。若封嵩之輩。泉斬不足以痛之。宜致烹轆之法。亦可附之律條。納以大辟之科。肉刑者。方經之先聖不刊之典。漢文易之。輕重乖度。今犯罪彌多。死之者稍眾。肉刑之於化也。濟

永樂大典卷五百三十八

有既廣。懲憐尤深。光書建興中。二祖已議復之。未及而晏駕。其令博士已上。參考舊事。依呂刑及漢魏晉律令。消息增損。議成燕律。五刑之屬三千。而罪莫大於不孝。孔子曰。非聖人者無法。非孝者無親。此大亂之道也。轆裂之刑。烹煮之戮。雖不在五品之例。然亦行之。自古渠彌之轆。著之春秋。哀公之意。爰自中代。世宗都齊。亦懲刑罰失中。咨嗟寢食。王者之有刑。猶人之左右手焉。故孔子曰。刑罰不中。則人無所措手足。是以蕭何定法令。而受封。叔孫通以制儀為奉常。立功立事。古之所重。其明議損益。以成一代準式。周漢有貢士之條。魏立九品之選。二者孰愈。亦可詳聞。群下議多不同。乃止。超母妻既先在長安。為姚興所拘。責超稱藩。求太樂諸伎。若不可使送。吳口千人。超下書遣群臣詳議。左僕射段暉議曰。太上囚楚。高祖不迴。今陛下嗣守社稷。不宜以私親之故而降統天之尊。又大樂諸伎。皆是前世伶人。不可與彼。使移風易俗。宜掠京口與之。尚書張華曰。若彼侵掠吳邊。必成鄰怨。此既能往。彼亦能來。兵連禍結。非國之福也。昔孫權重黎庶之命。在己以臣魏。惠施惜愛子之頭。捨志以尊齊。況陛下慈德在秦。方寸朋亂。宜暫降大號。以申至孝之情。權變之道。典謨所許。韓範智能迴物。輝足傾人。昔與姚興。俱為秦太子中舍人。可遣將命降號。脩和。所謂

永樂大典

卷五三八

屈於一人之下。伸於萬人之上也。超大悅。曰：張尚書得吾心矣。使範聘于興。及至長安。興謂範曰：封愷前未。燕王與朕抗禮。及卿至也。款然而附。為依。春秋以小事大之義為當。專以孝敬為母。臣也。範曰：昔周爵五等。公侯異品。小大之禮。因而生焉。今陛下命世龍興。光宅西秦。本朝主上承祖宗遺烈。定鼎東齊。中分天曜。南面並帝。通聘結好。義尚謙沖。使至於誕。苟折行人。殊似其晉。爭盟膝。辭競長。恐傷大秦堂堂之盛。有損皇燕巍巍之美。彼我俱失。竊未安之。興怒曰：若如卿言。便是非為大小。而未範曰：雖由大小之義。亦緣寡君純孝。過於重華。願陛下體敬親之道。帶然垂慈。興曰：吾久不見賈生。自謂過之。今不及於。是為範設舊交之禮。申叙平生。謂範曰：燕王在此。朕亦見之。風表乃可於穢。辯未也。範曰：大辯若訥。聖人美之。况邇日龍潛鳳戢。和光同塵。若使負日月而行。則無繼天之業矣。興咲曰：可謂使乎。延譽者也。範承間。逞說。姚興大悅。賜範千金。許以超母妻還之。慕容疑自梁父奔于姚興。言於興曰：燕王稱藩。本非推德。權為母屈耳。古之帝王尚興師徵質。豈可虛還其母乎。母若一還。必不復臣也。宜先制其送伎。然後歸之。興意乃變。遣使聘于超。超遣其漢射張華給事中。宗正元。入長安。送大樂伎一百二十人於姚興。興大悅。延華入燕。酒酣樂作。興黃門

永樂大典卷五百三十八

九

侍郎尹雅謂華曰：昔殷之將亡。樂師歸周。今皇秦道盛。燕樂來庭。廢興之兆。見于此矣。華曰：自古帝王為道不同。權譎之理。會於功成。故老子曰：將欲取之。必先與之。今總章西入。必由余東歸。禍福之驗。此其兆乎。興怒曰：昔齊楚競辯。二國連師。卿小國之臣。何敢抗衡朝士。華遜辭曰：奉使之始。實願交歡。上國上國既遣小國之臣。及寡君社稷。臣亦何心。而不仰酬。興善之。於是還超母妻。義熙三年。追尊其父為穆皇帝。立其母段氏為皇太后。妻呼延氏為皇后。祀南郊。將登壇。有獸大如馬。狀類鼠而色赤。集於園丘之側。俄而不知所往。須臾大風暴起。天地晝昏。其行宮羽儀皆振裂。超懼。密問其大史令成公綏。對曰：陛下信用姦臣。誅戮賢良。賦歛繁多。事役既苦。所致也。超懼而大赦。譴責公孫五樓等。俄而復之。是歲廣固地震。天齊水湧。井水溢。女水竭。河濟凍合。而澠水不冰。超正旦朝群臣于東陽殿。聞樂作。歎音僧不備。悔送伎於姚興。遂議入寇。其領軍韓諱諫曰：先帝以舊京傾沒。戢翼三齊。苟時運未可。上智難謀。今陛下嗣守成規。宜閉關養士。以待賊襲。不可結怨。南隣廣樹仇隙。超曰：我計已定。不與卿言。於是遣其將斛穀提公孫歸等率騎往宿豫。陷之。執陽平太守劉千載。濟陰太守徐阮。大掠而去。簡男女二千五百。付大樂教之。時公孫五樓為侍中。尚書

領左衛將軍專總朝政。兄歸為冠軍。常山公叔父頹為武衛。興樂公五樓宗親皆夾輔左右。王公內外無不憚之。超論宿豫之功。封斛毅提等。並為郡縣公。慕容鎮諫曰。臣聞懸賞待勳。非功不侯。今公孫歸。結禍延兵。殘賊百姓。陛下封之得無不可乎。夫忠言逆耳。非親不發。臣雖庸朽。忝國戚。藩輒盡遇款。惟陛下圖之。超怒不答。自是百僚杜口。莫敢開言。尚書都令史王儼詣事五樓。遣尚書郎出馬濟南太守。入馬尚書右丞。時人為之語曰。欲得侯。事五樓。又遣公孫歸等率騎三千入寇濟南。執太守趙元略男女千餘人而去。劉裕率師討之。超引見群臣于東陽殿。議距王師。公孫五樓曰。兵兵輕果。所利在戰。初鋒勇銳。不可爭也。宜據大現。使不得入。曠日延時。沮其銳氣。可徐爾精騎二千。循海而南。絕其糧運。別勅段暉率兗州之軍。緣山東下。腹背擊之。上策也。各命守宰。依險自固。拔其資儲之外。餘悉焚蕩。芟除粟苗。使敵無所資。堅壁清野。以待其累中策也。縱賊入現。出城逆戰。下策也。超曰。京都殷盛。戶口衆多。非可一時入守。青苗布野。非可卒度。設使芟苗。守城以全性命。朕所不能。今據五州之強。帶山河之固。戰車萬乘。鐵馬萬群。縱令過現。至於平地。徐以精騎踐之。此成擒也。負賴虛若諫不從。退謂五樓曰。上不用吾計。亡無日矣。慕容鎮曰。若如聖旨。必須

永樂大典卷三百三十六

平原用馬為便。且出現逆戰。戰而不勝。猶可退守。不宜縱敵入現。自貽窘逼。昔成安君不守井陘之關。終屈於韓信。諸葛瞻不據東馬之險。卒擒於鄧艾。臣以為天時不如地利。阻守大現。策之上也。超不從。鎮出謂韓諱曰。主上既不能芟苗守嶺。又不肯徙人逃寇。酷似劉璋矣。今年國滅。吾必死之。卿等中華之士。復為文身矣。超聞而大怒。收鎮下獄。乃攝苻柔父二成。脩城隍。簡士馬畜。銳以待之。其夏。王師次東莞。超遣其左軍段暉輔國。質賴盧等六將。步騎五萬。進據臨朐。俄而王師度現。超懼。率卒四萬。就暉等于臨朐。謂公孫五樓曰。宜進據川源。晉軍至而失水。亦不能戰矣。五樓馳騎據之。劉裕前驅。將軍孟龍符已至川源。五樓戰敗而返。裕遣諮議參軍檀韶率銳卒攻破臨朐。超大懼。單騎奔段暉于城南。暉衆又戰敗。裕軍入斬暉。超又奔還廣固。徙郭內人入保小城。使其尚書郎張綱乞師于姚興。赦慕容鎮。鎮尚書都督中外諸軍事。引見群臣。謝之曰。朕嗣奉成業。不能委賢任善。而專固自由。覆水不收。悔將何及。智士逞謀。必在事危。忠臣立節。亦在臨難。諸君其勉思六奇。共濟艱運。鎮進曰。百姓之心。係於一人。陛下既躬率六軍。身先奔敗。群臣解心。士庶喪氣。內外之情。不可復恃。如聞西秦自有內難。恐不暇分兵救人。正當更決一戰。以爭天命。今散卒還者。

猶有數萬可悉出金帛宮女餽令一戰天若相我足以破賊如其不濟死尚為美不可閉門坐受圍擊司徒慕容惠曰不然今晉軍乘勝有陵人之氣敗軍之將何以禦之秦雖與勃勃相持不足為患且二國連橫勢成脅齒今有寇難秦必救我但自古乞援不遣大臣則不致重兵是以趙隸三請楚師不出平原一使援至從成尚書令韓範德望具瞻燕秦所重宜遣乞援以濟時艱於是遣範與王薄乞師于姚興未幾裕師圍城四面皆合人有竊告裕軍曰若得張綱為攻其者城乃可得耳是月綱自長安隔差奔于裕裕令綱周城大呼曰勃勃大破秦軍無兵相救超怒伏弩射之乃退右僕射張華中丞封愷並為裕軍所獲裕令華愷與超書勸令早降超乃遣裕書請為藩臣以大現為界并獻馬千足以通和好裕弗許江南繼兵相尋而至尚書張俊自長安還又降于裕說裕曰今燕人所以固守者外仗韓範冀得秦援範既時望又與姚興舊昵若勃勃敗後秦必救燕宜密信誘範啗以重利範來則燕人絕望自然降矣裕從之表範為散騎常侍道範書以招之時姚興乃遣其將姚強率步騎一萬隨範就其將姚紹于洛陽并兵來援會赫連勃勃大破秦軍興追強還長安範歎曰天其滅燕乎會得裕書遂降於裕裕謂範曰卿欲立申包胥之功何以虛還也範

曰自亡祖司空世荷燕寵故泣血秦庭冀匡禍難屬西朝多故并誠無效可謂天喪弊邑而贊明公智者見機而作敢不至乎翌日裕將範循城由是入情離駭無復固志裕謂範曰卿宜至城下告以禍福範曰雖蒙殊寵猶未忍謀燕裕嘉而不強左右勸超誅範家以止後叛超知敗在旦夕又弟諱盡忠無貳故不罪焉是歲東萊雨血廣固城門鬼夜哭明年朔旦超登天門朝群臣于城上殺馬以饗士文武皆有遺授超幸姬魏夫人從超登城見王師之盛握超手而相對泣韓諱諫曰陛下遭百六之會正是勉強之秋而反對女子悲泣何其鄙也超拭目謝之其尚書令董統勸超出降超大怒擊之於獄於是賀賴盧公孫五樓為地道出戰王師不利河間人玄文說裕曰昔趙攻曹蕤望氣者以為澠水帶城非可攻後若塞五龍口城必自陷石季龍從之而疑請降後慕容恪之圍段龕亦如之而龕降降後無幾又震開之今舊基猶在可塞之裕從其言至是城中男女忠壯弱病者大半超輦而升城尚書悅壽言於超曰天地不仁助寇為虐戰士廷病日就凋隕守困窮城息望外援天時人事亦可知矣苟歷運有終堯舜降位轉禍為福聖達以先宜追許鄭之蹤以存宗廟之重超歎曰廢興命也吾寧奮劍決死不能銜璧求生於是張綱為裕造衝車覆以板屋蒙

之以皮并設諸奇巧城上火石弓矢無所施用又為飛樓懸梯木幔之屬
遂臨城上超大怒懸其母而支解之城出降者相繼裕四面進攻殺傷
甚眾悅壽遂開門以納王師超與左右數十騎出亡為裕軍所執裕數之
以不降之狀超神色自若一無所言唯以母託劉敬宣而已送建康市斬
之時年二十六在位六年德以安帝隆安四年僭立至超二世凡十一年
以義熙六年滅之說慕容熙之立也年始十八在位六年年二十六為馮
跋所殺時義熙三年也超之立也年始二十在位六年年二十六為劉裕
所執送建康市斬之時義熙六年也當熙淫縱時晉室雖微劉裕甫起姚
秦元魏氣識方熾至如偏檀蒙遜李嵩及柔然拜丹劉劭劼吐谷渾之屬
日夕智力相吞噬而熙實殘折餘燼假然自得恣為不道樂其所以亡者
其愚駭固不足齒而超雖偉有持守累經多難既歸依叔父獲承舊物而
用匪其人幾成大亂乃欲驟烹為法慘若中戚而又專固自矜寡謀妄與
輕以區區之齊挑撓江左今日陷宿豫明日取濟南大
并為讎兵連禍結奸皮凝骨有授國燄何不思之甚乎

慕容鍾

晉書載記慕容鍾字道明德從弟也少有識量喜怒不形
於色機神秀發言論清辯至於臨難對敵知勇無濟累進

永樂大典卷吾三十八

十二

奇策德用之頗中由是政無大小皆以委之遂為佐命元勳後公孫五樓
規挾威權慮鍾抑己因勸超誅之鍾遂謀反事敗奔于姚興興拜始平太
守歸義侯 史臣曰慕容德以季父之親居鄴中之重朝危未聞其節若
存遽踐其位豈人理哉然稟倣儻之雄姿韞從橫之遠略屬外崩之運成
用逐之資跨有全齊竊弄神器撫劍而爭衡秦魏練甲而志靜荆吳崇儒
術以弘風延讜言而勵己觀其為國有足稱焉超繼已成之基居霸者之
業政刑莫恤畋游是好杜忠良而讒佞進暗聽受而勳戚離先緒俄頽家
聲莫振陷宿豫而胎禍啓大現而延敵君臣就虜宗廟為墟迹其人謀非
不幸也 贊曰德實姦雄輔敗為功奄有青土淫
名域中超承偽祚撓其國步廟失良籌庭悲雷露

慕容白曜

魏書慕容白曜慕容元真之玄孫父瑒歷官以廉清
著稱賜爵高都侯卒於冠軍將軍尚書左丞贈安南

將軍并州刺史高都公謚曰簡白曜少為中書吏以敏直給事東宮高宗
即位拜北部下大夫襲爵遷北都尚書在職執法無所阿縱高宗厚待之
高宗崩與乙潭共秉朝政遷尚書右僕射進爵南鄉公加安南將軍劉真
徐州刺史薛安都兗州刺史畢眾敬並以城內附詔鎮南大將軍尉元鎮

永樂大典

卷五三八

東將軍孔伯恭率師赴之。而或東平太守申纂屯無鹽。并州刺史房崇吉屯并城。通絕王使皇興初。加白曜使持節都督諸軍事。征南大將軍上黨公屯於碭。以爲諸軍後。繼白曜攻纂於無鹽。城拔。其東郭其夜纂遁。遣兵追執之。獲其男女數千口。先是劉武青州刺史。沈文秀冀州刺史。崔道固並遣使內附。既而或遣招慰。復歸於或。白曜既拔無鹽。反攻并城。肥城。或主聞軍至。弃城逃走。獲粟三十萬斛。既至并城。垣苗糜滿二成。拒守不下。白曜以千餘騎襲糜滿。糜滿潰。自投濟水死者千餘人。擊垣苗。又破之。得粟十餘萬斛。由是軍糧充足。先是淮陽公皮豹子等。再征垣苗。不剋。白曜以旬之內。頻拔四城。威震齊土。顯祖嘉焉。詔曰。卿總率戎旅。討除不宥。霜戈所向。無不摧靡。旬日之內。剋拔四城。韓白之功。何以加此。雖并城戍。將房崇吉守遠不順。危亡已形。濟在旦夕。宜勉崇威略。務存長轡。不必窮兵極武。以爲勞頓。且伐罪弔民。國之令典。當招懷以德。使來蘇之澤。加於百姓。并城不降。白曜忿之。縱兵陵城。殺數百人。崇吉夜遁。白曜撫慰其民。無所殺戮。百姓懷之。獲崇吉母妻。待之以禮。劉武遣其將吳愷。公率眾數萬。欲寇彭城。鎮南大將軍尉元表請濟師。顯祖詔白曜赴之。白曜到。瑕丘遇患。時泗水暴竭。船不得進。愷公退。白曜因停瑕丘。會崇吉與從弟法

壽盜或盤陽城。以贖母妻。白曜自瑕丘遣將軍長孫觀等。率騎入。自馬耳關赴之。觀至盤陽。諸縣悉降。平東將軍長孫陵。寧東將軍尉春。東討青州。白曜自瑕丘進攻歷城。白曜乃爲書以喻之曰。天棄劉武。禍難滋興。骨肉兄弟。自相誅戮。君臣上下。靡復紀綱。徐州刺史薛安都。豫州刺史常珣。兗州刺史畢眾敬等。深觀存亡。誠然歸義。故朝廷納其誠款。委以南蕃。皆目前之見事。東西所備聞也。彼無監戍。主中纂。敢縱奸惡。劫奪行人。官軍始臨。一時授首。房崇吉固守并城。尋即潰散。自襄城以東。至于淮海。莫不風靡。服從正化。謂東陽歷城有識之士。上思安都之榮顯。下念中纂之死。亡。追悔前惑。改圖後悟。然執守愚迷。不能自革。猥總戎旅。掃定北方。濟黃河。知十二之虛說。臨齊境。想一變之清風。踟躕周覽。依然何極。故先馳書以喻成敗。夫見機而動。周易所稱。去危就安。人事常理。若以一介爲高。不峻爲美。則微子負嫌於時。紀季受讖於世。我皇親重光累葉。德懷無外。軍威所拂。無不披靡。固非三吳弱卒。所能擬抗。況於今者。勢已土崩。劉武威不制。秣陵政不出閭外。豈復能浮江越海。赴危救急。恃此爲援。何異於蹄涔之魚。冀拯江海。夫螻蟻手則斷手。蟹足則斷足。誠恐肌體以救性命。若推義而行之。無割身之痛也。而可以保家寧宗。長守安樂。此智士所宜

深思重慮。自求多福。道固固守不降。白曜築長圍以攻之。長孫陵等既至青州。沈文秀遣使請降。軍人入其西郭。頗有掠掠。文秀悔之。遂嬰城拒守。二年。崔道固及兗州刺史梁鄒守將劉休賓並西縛而降。白曜皆釋而禮之。送道固休賓及其寮屬于京師。後乃徙二城民望於下館。朝廷置平齊郡。懷寧歸安二縣以居之。自餘悉為奴婢。分賜百官。白曜雖在軍旅。而接待人物寬和有禮。獲崇吉。母妻申。寡婦女皆別營安置。不令士卒誼雜。乃進討東陽。冬入其西郭。三年春。剋東陽。擒沈文秀。凡獲倉粟八十五萬斛。米三千斛。弓九千張。箭十八萬八千。刀二萬二千四百。甲冑各三十三百。銅五千斤。錢十五萬。城內戶八千六百。口四萬一千。吳蠻戶三百餘。始末三年。築圍攻擊。日夕交兵。雖士卒死傷無多。怨叛督上土人租納。以為軍資。不至侵者。三齊欣然安堵。樂業。剋城之日。以沈文秀抗倨不為之拜。忿而蕪捷。唯以此見讖。以功拜使持節都督青齊東徐州諸軍事。開府儀同三司。青州刺史濟南王。將軍如故。四年冬。見誅。初乙渾專權。白曜頗所狹附。緣此追以為責。及將誅也。云謀反。叛時論寃之。贊見射元傳後。白曜少子真安。年十一。聞父被執。將自殺。家人止之。曰。輕重未可知。真安曰。王位高功重。若有小罪。終不至此。我何忍見父之死。遂自縊焉。白曜弟如意。

亦從白曜平歷下。與白曜同誅。太和中。著作佐郎成海上表。理白曜曰。臣聞經疆啓宇。實良將之功。褒德酬庸。乃聖王之務。昔姜公仗鉞。開隆周之基。韓生秉旄。興鴻漢之業。故能賞超當時。名垂前史。若聞外功成。而流言內作。人主猜疑。良將懷懼。樂殺所以背燕。章邯所以奔楚。至如鄧艾懷忠。矯命寧國。赤心皎然。幽顯同見。而橫受屠戮。良可悲哀。及士治伐吳。奮不顧命。萬里浮江。慮機直指。使孫皓君臣。興櫬入洛。大功亦舉。謏書驟至。內外唱和。貝錦將成。徵晉武之鑒。亦幾於顛沛矣。每覽其事。常為痛心。聖主明王。固宜深察。臣伏見故征南大將軍。開府儀同三司。青州刺史。濟南王。慕容白曜。祖父相資。世曾東裔。值皇運廓。被委節臣妾。白曜生長王國。飲服道教。爵列上階。位登帝伯。去天安初。江陰夷楚。敢拒王命。三方阻兵。連城岳峙。海岱蒼生。翹首拯援。聖朝乃眷南顧。思救荒黎。大議廟堂。顯舉元將。百寮同音。僉曰。惟允。遂推轂委誠。授以專征之任。握兵十萬。仗鉞一左。威陵河濟。則淮徐震懼。師出無鹽。而申纂投首。濟北太原。同時消潰。糜溝垣苗。相尋奔走。及回麾東掃。道固銜璧。盤陽。梁鄒肉袒。請命于時。東陽未平。人懷去就。沈文靜高崇仁。擁眾不朝。扇擾邊服。崔僧祐蓋次陽。陳顯達。連兵淮海。水陸鋒起。揚旌而至。規援青齊。士民凶凶。莫不南顧。時兵役既

久咸有歸心而白曜外宣皇風內盡方略身懷甲冑與士卒同安撫初附
示以恩厚三軍懷挾纘之溫新民欣來蘇之澤遂使僧祐擁徒弭旆効順
軍門文靜崇仁棄城窟海次陽顯達望塵南奔聲震江吳風偃荆漢及青
州剋平文秀面縛海波清靜三齊克定述彼東南永爲國有使天府納六
之靈神算所授然抑亦白曜與有力矣及氛翳既靜爵命亦隆榮燭當時
聲譽日遠而民惡其上妄生尤隙因其功高流言惑聽巧僞亂真未嘗難
辨傷夷未瘳谷門屠戮馮勳盛德蔑介無聞有識之徒能不悽愴臣謂白
曜策名王庭累荷榮授歷司出內世載忠美秉鉞啓藩折衝敵國開疆千
里拔城十二辛勤於戎旅之際務闕於矢石之間登鋒復危志存靜亂及
方難既夷身應高賞受胙河山與國升降六十之年寵靈已極觀其立功
足明機運宜容僥倖更邀非望者乎且於時國家士馬屯積京南跨州連
鎮勢侔雲岳主將驍雄披鉞在所莫不殉忠死難効節奉時比之不可生
心白曜足知之矣沈潛逆阻兵營似厭亂加以王師仍舉州郡屠裂齊民
勞止神贍俱喪亡殫之衆不可與圖存離散之民不可與語勇哉白曜果
毅習戎體閑兵勢寧不知士民之不可藉將士之不同已據疆兵之勢因

永樂大典卷五百三十八

十五

塗炭之民而欲立非常之事此愚夫之所弗爲也料此推之事可知矣伏
惟陛下聖鑒自天仁孝半世風冠宇宙道超百王開國以來諸有罪犯極
刑不得骸骨者悉聽收葬大造之恩旅古未有而白曜人善功高嬰禍淪
覆名滅國除爵命無紀天下衆庶咸共哀憐方之餘流應有差異願陛下
揚日月之光明勲臣之績垂天地之施愆愆懼冕之魂使合棺定論歿有餘
稱選其宗近才堪驅策錫以微爵繼其絕世進可以獎勸將來退可以顯
國恩澤使存者荷莫大之恩死者受骨肉之惠豈不美哉仰惟聖明審然
昭覽狂瞽之言伏待刑憲高祖覽表嘉懿之白曜弟子契輕薄無檢太
和初以名家子擢爲中散遷宰官南安王植有貪暴之響遣中散閻文祖
詣長安察之文祖受植金寶之賂爲植隱而不言事發坐之文明太后引
見群臣謂之曰前論貪清皆云克脩文祖時亦在中後竟犯法以此言之
人心信不可知高祖曰古有待放之臣亦有離俗之士卿等自審不勝貪
心者聽辭位歸第英進曰臣卑微小人聞識不遠適蒙曲照虛忝今職小
人之心無定帝王之法有常以無怕之心奉有常之法非所克堪乞垂退
免高祖曰昔鄭相嗜魚人有獻魚者相曰若取此魚恐削名祿遂不肯受
契若知心不可常即知貪之惡矣何爲求退遷宰官令做好碎事頗曉工

作。主司厨宰稍以見知。及營洛陽基構。征新野南陽。起諸攻具。契皆參典。太和末。以功遷太中大夫。光祿少卿。營州大中正。賜爵定陶男。正始初。除征虜將軍。營州刺史。徙都督。沃野薄骨律二鎮諸軍事。沃野鎮將。轉都督。禦夷懷荒二鎮諸軍事。平城鎮將。將軍。並如故。轉都督朔州。沃野懷朔武川三鎮。三道諸軍事。後將軍朔州刺史。熙平元年卒。贈鎮北將軍。并州刺史。謚曰克。初。慕容破後。種族仍繁。天賜末。頗忌而誅之。時有遺逸。不敢復姓。皆以與焉。氏。延昌末。詔復舊姓。而其子女先入掖庭者。猶號慕容。特多於他族。契長子并。字僧度。建興太守。遷鎮遠將軍。沃野鎮將。進號征虜將軍。甚得邊民情。和弟二子僧濟。自奉朝請。稍轉至五校。耽淫酒色。不事名行。契弟暉。歷涇州長史。新平太守。有惠政。景明中。大使于忠。賞粟二百石。卒。贈幽州刺史。孫善儀。同開府主簿。

慕容紹宗

北齊列傳。慕容紹宗。慕容晃第四子。太原王恪後也。曾祖騰。歸魏。遂居於代。祖郁。岐州刺史。父遠。恒州刺

史。紹宗容貌恢毅。少言語。深沉有膽略。爾朱榮。即其從舅子也。值北邊撓亂。紹宗携家屬詣晉陽。以歸榮。榮深待之。及榮稱兵入洛。私告紹宗曰。洛

永樂大典卷五百三十六

十六

中人士繁盛。騎侈成俗。若不加除剪。恐難制馭。吾欲因百官出迎。仍悉誅之。謂可爾不。紹宗對曰。太后臨朝。淫虐無道。天下憤惋。共所棄之。公既身控神兵。心執忠義。怒欲殲夷多士。謂非長策。深願三思。榮不從。後以軍功封索盧縣子。尋進爵為侯。從高祖破羊侃。又與元天穆平邢果。累遷并州刺史。紇豆陵步藩通晉陽。爾朱兆擊之。累為步藩所破。欲以晉州徵高祖共圖步藩。紹宗諫曰。今天下擾攘。人懷覲覲。正是智士用策之秋。高晉州才雄氣猛。英略蓋世。譬諸蛟龍。安可借以雲雨。兆怒曰。我與晉州推誠相待。何忽輒相猜阻。橫生此言。便禁止。紹宗數日方釋。遂割鮮卑。隸高祖。高祖共討步藩。滅之。及高祖舉義。信都兆以紹宗為長史。又命為行臺軍。壺關。以抗高祖。及廣阿韓陵之敗。兆乃撫膺自咎。謂紹宗曰。此用卿言。今豈至此。兆之敗於韓陵也。士卒多奔。兆懼將欲潛遁。紹宗建旗鳴角。招集義徒。軍容旣振。與兆徐而上馬。後高祖從鄴討兆於晉陽。兆窘急走。亦欲嶺自縊而死。紹宗行到馬突城。見高祖追至。遂携榮妻子。及兆餘衆自歸高祖。仍加恩禮。所有官爵。並如故。軍謀兵略。時恭預焉。天平初。遷都鄴。燕事未周。乃令紹宗與高隆之。共知府庫圖籍諸事。二年。宜陽民李延孫聚衆反。乃以紹宗為西南道軍司。率都督。犀狄安盛等討破之。軍還行揚州。

永樂大典

卷五三八

刺史尋行豫州刺史丞相府記室孫寧屬紹宗以兄為州主簿紹宗不用寧諧之於高祖云慕容紹宗嘗登廣固城長歎謂其所親云大丈夫有復先業理不由是徵還元象初西魏將獨孤如願據洛州梁頰之間寇盜蜂起高祖命紹宗率兵赴武牢與行臺劉貴等平之進爵為公除度支尚書後為晉州刺史西道大行臺運朝遷御史中尉屬梁劉烏黑入寇徐方令紹宗率兵討擊之大破因除徐州刺史烏黑收其散眾復為侵竊紹宗密誘其徒黨數月間遂執烏黑殺之侯景反叛命紹宗為東南道行臺加開府轉封燕郡公與韓軌等詣瑕丘以圖進趨梁武帝遣其兄子貞陽侯深明等率眾十萬頓軍寒山與侯景角擁泗水灌彭城仍詔紹宗為行臺節度三徐州二兗軍事與大都督高岳等出討大破之擒蕭明及其將帥等俘虜甚眾乃迴軍討侯景於渦陽于時景軍甚眾前後諸將往者莫不為其所輕及聞紹宗與岳將至深有懼色謂其屬曰岳所部兵精紹宗舊將宜共慎之於是與景接戰諸將持疑無肯先者紹宗麾兵徑進諸將從之因而大捷景遂奔遁軍還別封永樂縣子初高祖未命世宗云侯景若反以慕容紹宗當之至是竟立功効西魏遣其大將王思政之入據潁州又以紹宗為南道行臺與大尉高岳儀同劉豐等率軍圍擊堰洧水以灌

永樂大典卷五百三

十七

之時紹宗頗有凶夢意每惡之乃私謂左右曰吾自年二十已還恒有蒜髮昨來蒜髮忽然自盡以理推之蒜者算也吾一算將盡于未幾與豐臨堰見北有塵氣仿入艦同坐暴風從東北來遠近晦冥并纜斷飄艦徑向敵城紹宗自度不免遂投水而死時年四十九三軍將士莫不悲惋朝廷嗟傷贈使持節二青二兗齊濟光七州軍事尚書令大尉青州刺史謚曰景惠除其長子士肅為散騎常侍尋以謀反伏誅朝廷以紹宗之功罪止士肅身皇建初配饗世宗廟庭士肅弟建中襲紹宗爵武平末儀同三司隋開皇中大將軍疊州總管大臣見北齊列傳張瓌傳後隋書列傳慕容三藏燕人也父紹宗齊尚書左僕射東南道大行臺三藏幼聰敏多武略頗有父風仕齊釋褐大尉府參軍事尋遷備身都督武平初襲爵燕郡公邑八百戶其年敗周師於孝水又破陳師於壽陽轉武衛將軍又敗周師於河陽授武衛大將軍又轉右衛將軍別封范陽縣公食邑千戶周師入鄴也齊後主失守東遁委三藏等留守鄴宮齊之王公以下皆降三藏猶率麾下抗拒周師及齊平武帝引見恩禮甚厚詔曰三藏父子誠節著聞宜加榮秩授開府儀同大將軍其年稽胡叛令三藏討平之開皇元年授吳州刺史九年奉詔持節涼州道黜陟大使其年嶺南酋長王仲宣反

圍廣州。詔令柱國襄陽公韋洸為行軍總管。三歲為副。至廣州與賊交戰。洸為流矢所中卒。詔令三歲檢校廣州道行軍事。十年賊眾四面攻圍。三歲固守月餘。城中糧少矢盡。三歲以為不可持久。遂自率驍銳夜出突圍。擊之。賊眾散。廣州獲全。以功授大將軍。賜奴婢百口。加以金銀雜物。十二年授廓州刺史。州極西界。與吐谷渾鄰接。姦宄犯法者皆遷配彼州。流人多有逃逸。及三歲至。招納綏撫。百姓受悅。雖負日至。吏民歌頌之。高祖聞其能。屢有勞問。其年當州畜產繁盛。獲醍醐奉獻。齎物百段。十三年州界連雲山。響稱萬羊者三。詔頒郡國。仍遣使醮於山所。其日景雲浮於上。雉聞兔馴。壇側使還。具以聞。上大悅。十五年授疊州總管。克項羌時有翻叛。三歲隨便討平之。部內夷夏咸得安輯。仁壽元年改封河內縣男。大業元年授和州刺史。三年轉任淮南郡太守。所在有惠政。其年改授金紫。光祿大夫。大業七年卒。三歲從子遐為澶水丞。漢王反。抗節不從。以誠節聞。皆見趙十傳。

永樂大典卷之五百三十八

永樂大典卷五百三十八

十八